



## **SOALAN LAZIM (FAQ)**

### **PROGRAM SARINGAN PRIHATIN PERKESO (PSP PERKESO)**

### **PELAKSANAAN PSP PERKESO MELALUI SUBSIDI SARINGAN PRIHATIN**

**2 NOVEMBER 2020**

**1. APAKAH ITU PROGRAM SARINGAN PRIHATIN (PSP) PERKESO?**

Program yang menawarkan saringan COVID-19 kepada semua pencarum PERKESO termasuk pekerja asing bagi syarikat yang beroperasi sewaktu tempoh Perintah Kawalan Pergerakan Bersyarat (PKPB) tertakluk kepada syarat-syarat yang ditetapkan PERKESO.

**2. APAKAH OBJEKTIF PROGRAM SARINGAN PRIHATIN (PSP) PERKESO?**

PSP PERKESO bertujuan untuk membantu kerajaan mengawal penularan wabak Covid-19 di tempat kerja yang beroperasi sewaktu tempoh PKPB.

**3. APAKAH KRITERIA KELAYAKAN PSP PERKESO?**

PSP PERKESO layak untuk digunakan oleh semua pencarum PERKESO termasuk pekerja asing yang bekerja di negeri-negeri yang terlibat PKPB yang meliputi Selangor, Kuala Lumpur, Putrajaya, Kedah, Sabah dan Labuan.

**4. SEKIRANYA PEKERJA PERNAH MENJALANI SARINGAN MELALUI PSP PERKESO SEBELUM INI, ADAKAH BELIAU BOLEH MENJALANI SARINGAN BUAT KALI KEDUA?**

Pencarum yang pernah menjalani saringan PSP sebelum ini boleh menjalani saringan semula di dalam perluasan skop ini yang bermula pada 22 Oktober 2020.

---

**5. APAKAH KAEDAH PELAKSANAAN SARINGAN COVID-19 MELALUI PSP PERKESO?**

Berikutan permintaan bagi saringan COVID-19 yang tinggi di kawasan yang terlibat, janji temu saringan melalui panel perkhidmatan PERKESO telah penuh sehingga bulan Disember 2020 dan tidak dapat menampung keseluruhan saringan bagi penjarum yang terlibat.

Justeru bagi memastikan saringan COVID-19 dapat dijalankan kepada penjarum, PSP hanya akan dilaksanakan melalui Subsidi Saringan Prihatin (SSP). Melalui SSP, akses kepada saringan COVID-19 adalah lebih meluas dan majikan dapat menjalankan saringan bagi pekerja dalam tempoh yang lebih awal.

**6. BAGAIMANAKAH PSP PERKESO MELALUI SUBSIDI SARINGAN PRIHATIN DILAKSANAKAN?**

Melalui SSP, saringan COVID-19 boleh dijalankan di klinik atau hospital yang telah mendapatkan kelulusan Kementerian Kesihatan Malaysia (KKM) untuk menjalankan saringan COVID-19. Kos saringan hendaklah dibayar oleh majikan terlebih dahulu dan permohonan untuk subsidi boleh dibuat melalui Portal SSP di [ssp.perkeso.gov.my](http://ssp.perkeso.gov.my). PERKESO akan membuat bayaran balik subsidi sehingga RM150.00 bagi setiap pekerja yang telah menjalani saringan COVID-19 manakala kos lebihan saringan perlu ditanggung oleh majikan sendiri.

---

**7. ADAKAH PERMOHONAN SUBSIDI BOLEH DIBUAT OLEH PEKERJA SECARA INDIVIDU ATAU HANYA MELALUI MAJIKAN?**

Permohonan hanya boleh dibuat melalui majikan sahaja. Majikan perlu mendaftar di Portal SSP untuk membuat permohonan subsidi.

**8. APAKAH DOKUMEN YANG DIPERLUKAN SEMASA PERMOHONAN SUBSIDI DIBUAT?**

Permohonan subsidi adalah melalui Portal SSP dan majikan perlu mendaftar terlebih dahulu sebelum permohonan boleh dibuat. Majikan perlu melengkapkan maklumat yang diperlukan di Portal SSP. Resit bayaran (yang menyatakan maklumat pekerja dan jenis saringan) serta keputusan saringan hendaklah disertakan semasa permohonan.

**9. APAKAH JENIS SARINGAN YANG DIBENARKAN BAGI TUNTUTAN SUBSIDI?**

Hanya ujian saringan COVID-19 yang dijalankan menggunakan kaedah RT-PCR sahaja dibenarkan untuk tuntutan subsidi.

**10. ADAKAH SARINGAN AKAN DIJALANKAN BAGI MAJIKAN YANG TELAH MEMBUAT JANJI TEMU BERSAMA PANEL PERKHIDMATAN PERKESO?**

Bagi majikan yang telah membuat janji temu saringan bersama panel perkhidmatan PERKESO, saringan akan dijalankan mengikut ketetapan yang telah diselaraskan oleh panel perkhidmatan.

**11. ADAKAH SARINGAN BOLEH DIJALANKAN DI PREMIS MAJIKAN?**

Majikan boleh berbincang dengan klinik atau hospital yang menawarkan saringan untuk mengetahui sama ada saringan boleh dilakukan di tempat kerja. Kemudahan ini adalah bergantung kepada kapasiti dan kesesuaian serta perlu mematuhi SOP yang telah ditetapkan oleh KKM.

---

**12. ADAKAH PEKERJA AKAN MENDAPAT KEPUTUSAN SARINGAN SETELAH MENJALANI SARINGAN?**

Majikan perlu berurusan dengan klinik atau hospital untuk mendapatkan keputusan saringan.

**13. ADAKAH KEPUTUSAN PSP PERKESO SULIT?**

Keputusan PSP PERKESO adalah **SULIT** dan hanya diketahui oleh pekerja, penyedia perkhidmatan dan PERKESO sahaja. Notifikasi akan turut dibuat kepada pihak KKM mengikut garis panduan yang ditetapkan. Walau bagaimanapun, pekerja boleh memaklumkan sebarang keputusan saringan secara sendiri kepada majikan masing-masing.

**14. APAKAH YANG PERLU DILAKUKAN SEKIRANYA PEKERJA BELUM MENDAFTAR ATAU MENCARUM DENGAN PERKESO?**

Majikan perlu mendaftarkan pekerjaanya sebagai pencarum PERKESO sebelum melayakkan mereka menjalani PSP PERKESO.

**15. ADAKAH PSP PERKESO TERHAD KEPADA UMUR PEKERJA TERTENTU?**

Tiada had umur bagi saringan ini, tetapi tertakluk kepada pekerja yang masih aktif mencarum.

**16. ADAKAH PENCARUM DI BAWAH AKTA KESELAMATAN SOSIAL PEKERJAAN SENDIRI 2017 (SPS) LAYAK MENGGUNAKAN PSP PERKESO?**

Pencarum SPS tidak layak menggunakan PSP PERKESO. Program ini adalah bagi pencarum PERKESO di bawah Akta Keselamatan Sosial Pekerja 1969.

**17. ADAKAH PEKERJA ASING LAYAK MENGGUNAKAN SARINGAN PSP PERKESO?**

Pekerja asing yang berdaftar dengan PERKESO layak menjalani PSP PERKESO.

---

**18. ADAKAH MAJIKAN DIBENARKAN UNTUK BEROPERASI SEWAKTU PKPB ATAU SETELAH PEKERJA MENJALANI SARINGAN?**

PERKESO hanya menyediakan perkhidmatan untuk saringan COVID-19 sahaja. PERKESO tidak menetapkan syarat pengoperasian bagi industri - industri sewaktu tempoh PKPB.

**19. APAKAH LANGKAH YANG DIAMBIL BAGI MENCEGAH PENULARAN WABAK SEWAKTU PROSES UJIAN SARINGAN DIJALANKAN?**

Proses menjalani ujian saringan melibatkan ramai pekerja, dan boleh menyebabkan SOP pencegahan Covid-19 seperti penjarakan fizikal terjejas. Oleh itu, pekerja perlu sentiasa mematuhi SOP yang telah ditetapkan sewaktu menjalani ujian. Manakala ujian yang dijalankan di premis majikan turut perlu mematuhi SOP yang telah ditetapkan oleh pihak KKM.

**20. BILAKAH PELAKSANAAN PSP PERKESO AKAN DITAMATKAN?**

PERKESO berhak menamatkan PSP PERKESO pada bila-bila masa tanpa perlu mengeluarkan apa-apa notis terlebih dahulu atau memberi apa-apa alasan kepada keputusan tersebut. Kemudahan ini juga adalah tertakluk kepada tempoh PKPB ataupun sebarang arahan kerajaan berkenaan perkara tersebut.

**21. BAGAIMANAKAH PERKESO BOLEH DIHUBUNGI SEKIRANYA TERDAPAT PERTANYAAN LANJUT?**

Sekiranya anda mempunyai pertanyaan lanjut, sila hubungi PERKESO melalui talian 03-4264 5089 atau 1-300-22-8000, atau layari Portal PSP di <https://psp.perkeso.gov.my> atau Portal SSP di <https://ssp.perkeso.gov.my>